



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mater Amoris Et Doloris

Ginther, Anton

Augustæ Vindellicorum, 1711

VD18 15312348

Præfatio Ad Benevolum Et Marianum Lectorem.

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)



PRÆFATIO

AD

BENEVOLUM ET MARIANUM LECTOREM.

PAuci, & non nisi pauca de DOLOROSA MATRE scripserunt; habes hic plura, Mariane Lector, Cultor & Amator! pro tuo aliorumque commodo singulis diebus Sabbatinis, vel Quadragesimalibus, vel diebus Divæ Virgini per annum Festivis applicanda, meditanda, imitanda & prædicanda. Placuit autem in hoc Tractatu scribendo (prout nuper in Tractatu de SS. CORDE JESU feci) humili, ac facili, sed tamen tersis auribus non indigno Stylo incedere, atque Christianam æmulari potius simplicitatem, quàm Romanæ eloquentiæ nitore anxie insistere, non enim auribus sed animis pabulum apponere studui. Et quia omne tulit punctum, qui miscuit utile dulci, singulis Considerationibus aliquod Emblema æri incisum præfigere placuit, ut sic statim ex primo Considerationis intuitu, quidnam materiarum illic tractetur, intelligas; atque ut facilem reperires concionandi methodum, en Manuductionem pro pluribus formandis Conceptibus annexam; plura impostherum, & si ita DEO placuerit, CURRUM ISRAËL, ET AURIGAM eius tibi ministraturus. De reliquo omnia, quæ in hoc Opusculo continentur, comprimis Censuræ S. MATRIS ECCLESIAE, ac gratioso DD. Superiorum meorum, doctorumque Virorum judicio humiliter subijcio, paratus, si in aliquo errassem, corrigi & corrigere. Tu interim optime Lector vale, ac fructu, memor semper illius Ecclesiastici; *Et gemitus Matris tue ne obliviscaris.* Eccl. 7, 29.

)** (2

IN-